

10.10. Транспортной сфераын:

1) кырымалö сынöд транспорт организацияслы, кодьяс новлöдлöны пассажирьясöс Коми Республика мутасын сьöкыда воöдчан олан пунктьясö сынöд транспортöн муниципалитет пытшкын, воштöм чöжöссö бергöдöм вылö Коми Республикаса республиканскöй сьöмкудйысь муниципальной районьяслöн (кар кытшьяслöн) сьöмкудьяслы субсидияс сетöм йылысь артмöдчöм;

2) нуöдö Коми Республикаын Ылі Войвыв районьясын да накöд öткодьялöм местаясын муниципалитетьяс костын сынöд, пытшкöсса вавыв транспортöн пассажирьясöс новлöдлан маршрутьяслысь реестрьяс, автомашина транспортöн пассажирьясöс да туй кöлуй муниципалитетьяс костын пыр öткодья новлöдлан маршрутьяслысь реестр (водзö – пыр öткодья новлöдлöм);

3) нуöдö Коми Республика мутасын пассажирьясöс да туй кöлуй легкöвöй таксиöн новлöдлöм серти уджсö збыльмöдöм вылö сетöм разрешениеяслысь реестр;

4) нуöдö олысьясöс автомашина транспортöн муниципалитетьяс костын пыр öткодья новлöдлан маршрутьяс серти транспортöн могмöдöмсö котыртан мероприятиеяс;

5) кырымалö сынöд транспорт организацияскöд сёрнитчöмьяс сы вылö, медым новлöдлыны пассажирьясöс да туй кöлуй сынöд транспортöн Коми Республикаса Ылі Войвыв районьясын да накöд öткодьялöм местаясын муниципалитетьяс костын; сетö сьöм, мыйта урчитöма Коми Республикаса республиканскöй сьöмкудйын индöм новлöдлöмсö збыльмöдигöн артмöм воштан чöжöс бергöдöм вылö;

6) кырымалö пытшкöсса вавыв транспорт организацияскöд сёрнитчöмьяс сы вылö, медым новлöдлыны пассажирьясöс пытшкöсса вавыв транспортöн Коми Республика мутасын муниципалитетьяс костын; сетö сьöм, мыйта урчитöма Коми Республикаса республиканскöй

сьомкудйын индём новлөдлөмсö збыльмөдигөн артмём воштан чöжöс бергөдём вылө;

7) кырымалö Коми Республикаса республиканскöй сьомкудйысь муниципальнöй районьяслөн (кар кытшьяслөн) сьомкудьяслы ювыв транспорт организацияслы воштан чöжөссö, кодьяс новлөдлөны Коми Республика мутасын муниципалитет пытшкын ювыв транспортөн пассажирьясöс, бергөдём вылө субсидияс сетём йылысь артмөдчöмьяс;

8) кырымалö Коми Республикаса республиканскöй сьомкудйысь сынöd транспорт организацияслы Коми Республика мутассянь пассажирьясöс динмуын сынöдтi новлөдлөм вылө субсидияс сетём йылысь артмөдчöмьяс;

9) нуödö Министерстволөн компетенцияын Коми Республикаса канму эмбурö пырысь аэропортьяс да (либö) аэродромьяс, вертодромьяс, гражданскöй авиациялы пуксян площадкаяс, а сiдзжö ювыв портьяс, кöнi меститчöма Коми Республикаса канму эмбурö пырысь эмбур, сöвмөдём да уджөдөмсö котыртём серти удж;

10) дасьтö Коми Республика мутасын кар гөгöрын көрт туй транспортөн олысьясöс транспортөн могмөдөмсö котыртём вылө сёрнитчём бала, дасьтö Коми Республика мутасын кар гөгöрын пассажирьясöс новлөдлiгөн көрт туй транспорт организацияслы чöжöсын воштөмсö компенсируйтём вылө сёрнитчём бала, сетö сьом, мыйта урчитöма Коми Республикаса республиканскöй сьомкудйын Коми Республика мутасын кар гөгöрын көрт туй транспортөн пассажирьясöс новлөдлiгөн көрт туй транспорт организацияслы чöжöсын воштөмсö компенсируйтём вылө;

11) дасьтö сёрнитчём бала сы вылө, медем котыртны олысьясöс көрт туй транспортөн ылö ветлысь поездьясын транспортөн могмөдөмсö маршрутьяс серти, кутшöмьяс могмөдöны пассажирьясöс социальнöй тöдчанлуна новлөдлөмсö, дасьтö сёрнитчём бала сы вылө, медем

компенсируйтны маршрутъяс серти, кутшөмъяс могмөдөны пассажиръясөс социальной төдчанлуна новлөдлөмсө, Коми Республика мутасын ылі туйын пассажиръясөс новлөдлөмысь көрт туй транспорт организацияслысь чөжөсын воштөмсө, сетө съөм, мыйта урчитөма Коми Республикаса республиканскөй съөмкудйын ылө ветлысь поездъясын көрт туй транспортн пассажиръясөс новлөдлөмысь көрт туй транспорт организацияслы чөжөсын воштөмсө компенсируйтөм ылө;

12) кырымалө сёрнитчөмъяс сы ылө, медым вештыны Коми Республика мутасын этша уджөдан көрт туй линияяс уджөдөмысь убыткасө; сетө съөм, мыйта урчитөма Коми Республикаса республиканскөй съөмкудйын Коми Республика мутасын этша уджөдан көрт туй линияяс уджөдөмысь убыткасө мыйтакө компенсируйтөм ылө;

13) пыртө Коми Республикаын меставывса асвеськөдлан органъяскөд сөгласуйтөмөн Коми Республикаса Вескөдлан котырө кар гөгöрын поездъяслысь маршрут лыддьөгсө, кутшөм эм, вежөм да содтөм серти, ылө ветлысь пассажирскөй поездъяслысь, кутшөмъяс могмөдөны пассажиръясөс социальной төдчанлуна новлөдлөмсө, содтөд рейсыяс индыны либө дугөдны коланлун серти вөзйөмъяс;

14) мониторинтө олысьясөс транспортн могмөдан серпассө да прогнозируйтө сійөс сы могысь, медым төдмавны олысьяслысь пыр өткодя новлөдлөмын коланлуньяссө;

15) өтув уджалө федеральной олөмө пөртысь власьт органьясса мутас органьяскөд, Россия Федерацияса субъектъяслөн канму власьт органьяскөд, меставывса асвеськөдлан органьяскөд, дінмукоствса да войтырковствса организацияскөд пыр өткодя новлөдлөм йылысь юалөмъяс серти;

16) дасьтө пыр новлөдлөмсө планируйтан документ дасьтан пöрадок бала да сетө сійөс Коми Республикаса Вескөдлан котырө;

17) урчитö, вежлалö, дугöдö муниципалитетъяс костын пыр новлöдлан маршрутъяссö;

18) дасьтö ладмöдтöм тарифъяс серти муниципалитетъяс костын пыр новлöдлан öти либö öткымын маршрут серти новлöдлöм йылысь эскöдангижöд босьтан инöд вылö осьса конкурсö пырöдчöм могысь заявкаяслысь муртöсьяс донъялöм могысь шкала вынсьöдöм йылысь Коми Республикаса Воськöдлан котырлысь инöда акт бала да сетö сийöс Коми Республикаса Воськöдлан котырö;

19) дасьтö транспорт средствояслöн экологическöй характеристикаяс дорö корöмьяс, кутшöмьясöн вöзйöны вöдитчыны Коми Республика мутасын пыр новлöдлöмьяс дырйи, вынсьöдöм йылысь Коми Республикаса Воськöдлан котырлысь инöда акт бала да сетö сийöс Коми Республикаса Воськöдлан котырö;

20) урчитö «Россия Федерацияын автомашина транспортöн да карса муывыв электрическöй транспортöн пассажирьясöс да туй көлуй пыр öткодя новлöдлöмсö котыртöм йылысь да Россия Федерацияса öткымын оланпастэчас актö вежсьöмьяс пыртöм йылысь» Федеральнöй оланпаслöн 38 статьяса 1 юкöнын индöм транспорт средство туйö мöдöдöмсö сöгласуйтан пöрадоксö;

21) йöзöдö «Öтуввез» юöртан да телекоммуникация везйын Министерстволöн официальной сайтын пыр новлöдлан маршрутъяс, перевозчикъяс, ветлöм вылö тарифъяс да кокньöдъяс йылысь юөр, юридическöй кывкутысьяслысь да (либö) асшöр уджалысьяслысь лыддьöг, кодьяс Коми Республика мутасын збыльмöдöны кутöм транспорт средствояс торья сулаланинö вуджöдöм да (либö) найöс видзöм серти уджсö, а сидзжö торья сулаланиньяслöн меститчаниньяслысь лыддьöг;

22) мониторингö Министерстволöн компетенцияын транспорт средствояс техническöя видлалан юкöнын Россия Федерацияса оланпастэчас збыльмöдöмсö;

23) вынсьөдö Коми Республикалы да Коми Республика мутасын меститчысь муниципальнöй юкөнъяслы транспорт средствояс техническöя видлалан пунктъясöн олысьясöс медэтша могоддан нормативьяс;

24) нуöдö транспорт комплекс йылысь юөр чукöртöм, öтувтöм да учёт вылö босьтан мероприятияс, пырöдчö транспортлысь видзчысянлунсö могодöмö компетенцияын, мый урчитöма «Транспортлөн видзчысянлун йылысь» Федеральнöй оланпасöн, мукöд федеральнöй оланпасöн да на серти примитан Россия Федерацияса мукöд нормативнöй инöда актöн.

10.11. Ортсыса экономика йитöдъяс сöвмöдан сфераын:

1) Коми Республикаса ортсыса экономикаын удж сöвмöдöмсö анализируютöм подув вылын дасьтö промышленность юкöнын Коми Республикаын ортсыса экономикаын удж сöвмöдан серпас да нырвизьяс йылысь юөр чукöртан-донъялан материалъяссö, промышленность юкöнын Коми Республикаын ортсыса экономикаын удж сöвмöдан прогнозсö да сетö федеральнöй власьт органьясö, Коми Республикаса Юралысьлы, Коми Республикаса Веськöдлан котырö;

2) лöб Коми Республикаса Веськöдлан котыр да Россия Федерацияса экономика сöвмöдан министерство костын ортсыса экономика юкöнын öтув уджалöм йылысь Артмöдчöм збыльмöдöмсö котыртысьöн, дасьтö инвестиционнöй да экспортнöй проектъяс серти вöзйöмьяс, медым сöвмöдны-нуöдны найöс индöм Артмöдчöм серти;

3) öтув уджалö суйöрсайса канмуясын Россия Федерацияöс вузасын петкöдланінъяскöд Коми Республикалысь да предпринимательство удж нуöдысь субъектъяслысь ортсыса экономикаын йитöдъяс сöвмöдан юалöмьяс серти;

4) öтув уджалö Федеральнöй таможеннöй службалөн Рытыв-Войвыв таможеннöй веськöдланінкöд Коми Республикалысь да Коми

Республикалөн ортсыса экономика йитөдьясө пырөдчысыяслысь ортсыса вузөсөн вөдитчөм серти юөр да мыччөдьяс босьтан юалөмьяс серти;

5) Коми Республикаса Веськөдлан котырөн урчитөм пöрадокын Коми Республикаса мукөд олөмө пöртысь власьт органкөд öтвылысь котыртö презентационнöй да делöвöй мероприятияяс, кутшöмьясöс нуөдöны суйöрсайса уджьертьяслөн пырөдчöмөн;

6) Коми Республикаса мукөд олөмө пöртысь власьт органкөд öтвылысь дасьтö Коми Республикаöс петкөдлысыяслөн выставкаяс да ярмангаяс серти мероприятияясö, уджалан группаясö, правительствокостса комиссиясö пырөдчөм серти вöзйöмьяс, кутшöмьясöс нуөдöны суйöр сайын да (либö) суйöрсайса уджьертьяслөн пырөдчöмөн;

7) дасьтö Коми Республикаса Веськөдлан котыр да суйöрсайса канмуяс, Россия Федерацияса субъектыяс костын артмөдчöмьяс кырымалөм да збыльмөдөм серти вöзйöмьяс.

10.12. Ичöt да шöр предпринимательство сöвмөдан сфераын:

1) Коми Республикаса олөмө пöртысь власьт органьяскөд öтвылысь дасьтö да збыльмөдö Коми Республикалысь уджтасса документьяс, кытчö пыртöма ичöt да шöр предпринимательство сöвмөдөм вылö веськөдөм мероприятияяс, а сідзжö веськөдлö ичöt да шöр предпринимательство сöвмөдан юкöнын проектьясөн;

2) дасьтö Коми Республика мутасын ичöt да шöр предпринимательстволы канмусянь отсöг сетөм серти вöзйöмьяс да сетö найöс Коми Республикаса Веськөдлан котырэ;

3) дасьтö Коми Республика мутасын ичöt да шöр предпринимательство сöвмөдан юкöнын Коми Республикаса Веськөдлан котырлысь нормативнöй инöда акт балаяс;

4) дасьтö да сетö Коми Республикаса Веськөдлан котырэ, Коми Республикаса Юралысьлы да федеральнöй канму власьт органьясö Коми

Республикаын ичӧт да шӧр предпринимательство юкӧнын юӧр чукӧртан да донъялан материалъяс;

5) методика боксянь могмӧдӧ Коми Республикаын меставывса асвескӧдлан органъясӧс да отсалӧ налы дасьтыны да збыльмӧдны Коми Республикаын муниципальной юкӧнъяслӧн мутасьясын ичӧт да шӧр предпринимательство сӧвмӧдан мераяс;

6) мониторингӧ Коми Республикаын ичӧт да шӧр предпринимательство сӧвмӧдӧмсӧ, прогнозируйтӧ Коми Республикаын ичӧт да шӧр предпринимательство сӧвмӧдӧмсӧ;

7) котыртӧ да техническӧя могмӧдӧ Коми Республикаса Юралысь бердын ӧтйӧза-экспертнӧй сӧветлысь уджсӧ;

8) лӧсьӧдӧ да нуӧдӧ ичӧт да шӧр предпринимательство субъектъяслы отсалан инфраструктура артмӧдысь организацияслысь реестр;

9) лӧсьӧдӧ да нуӧдӧ ичӧт да шӧр предпринимательство субъектъяслысь – канмусянь отсӧг босьтысьяслысь реестр;

10) ӧтув уджалӧ федеральной оломӧ пӧртысь власьт органъяскӧд ичӧт да шӧр предпринимательстволы канмусянь отсалӧм серти уджтасса мероприятияс збыльмӧдӧм вылӧ федеральной сӧмкуд сӧм кыскан юалӧмъяс серти;

11) ӧтув уджалӧ «Ичӧт да шӧр предпринимательство сӧвмӧдӧм серти федеральной корпорация» акционер котыркӧд Коми Республикаын ичӧт да шӧр предпринимательстволы отсалан да сийӧс сӧвмӧдан юалӧмъяс серти;

12) дасьтӧ аслас компетенцияын Коми Республикаын ичӧт да шӧр предпринимательстволы отсалан да сийӧс сӧвмӧдан юалӧмъяс серти гӧгӧрвоӧдӧмъяс да рекомендацияс.

10.13. Коми Республикаын социальной нырвизя абу коммерческой организацияслы отсӧг сетан сфераын:

1) юөрөн да методика боксянь могмөдө Коми Республикаын меставывса асвеськөдлан органъясөс да отсалö налы дасьтыны да збыльмөдны Коми Республикаын муниципальной юкөнъяслөн мутасьясын социальной нырвизя абу коммерческой организацияслы отсалан мераяс;

2) пöртö федеральной да Коми Республикаса республиканской сьöмкудйысь субсидияс босьтöм могысь олöмö социальной нырвизя абу коммерческой организацияс костын конкурс нуöдысь котыртысьлысь уджсö;

3) лöсьöдö да нуöдö социальной нырвизя абу коммерческой организацияслысь – канмусянь отсöг босьтысьяслысь реестр;

4) дасьтö да сетö Коми Республикаса Юралысьлы, Коми Республикаса Вескөдлан котырö, Россия Федерацияса экономика сöвмөдан министерствоö Коми Республикаын социальной нырвизя абу коммерческой организацияслы отсöг сетан юалöмьяс серти юөр чукöртан-донъялан материалъяс.

10.14. Коми Республикаса социальной политикаын торъя нырвизьяс могмөдан сфераын:

1) Коми Республикаса олöмö пöртысь власьт органъяслысь вöзйöмьяссö тöд вылö босьтöмөн дасьтö да сетö Коми Республикаса Юралысьлы да Коми Республикаса Вескөдлан котырö Коми Республикалысь экономической да финансöвöй позянлуньяссö тöд вылö босьтöмөн олысьяслысь олан да чöжöс тшупöдсö кыпöдöм йылысь вöзйöмьяс, а сідзжö индöм юалöмьяс серти дасьтö юөр чукöртан-донъялан материалъяс;

2) дасьтö да сетö Коми Республикаса Вескөдлан котырö:

Коми Республикаын локтан во кежлö пенсионерлөн овны судзсяна сьöм йылысь вöзйöмьяс;

өти морт вылө шөркодъ овны судзсяна съом йылысь, олысьяслөн медшөр социально-демографическөй группаяс серти, а сідзжө Коми Республикаса вөр-ва да климатлөн торъя зонаяс серти вөзйөмьяс;

3) дасьтө да сетө Коми Республикаса Веськөдлан котырö олысьяслөн чөжөс тшупөд йылысь, сы лыдын Коми Республикаса организациясын удждон тшупөд йылысь, юөр сы могысь, медым босьтны төд вылө да примитны веськөдлан помшүөмьяс;

4) Коми Республикаса канму органьяслысь вөзйөмьяссө төд вылө босьтөмөн дасьтө да сетө Коми Республикаса съом овмөс министерствоö Коми Республикаын медшөр социальнөй юкөнъясын юридическөй кывкутысьяслы да торъя йөзлы сетан канму услугаясын коланлун серти мониторинглөн бөртасьяс йылысь өтувья юөр.

10.15. Коми Республикалөн экономикаын торъя юкөнъяссө кадрьясөн могмөдан система сөвмөдны отсалан сфераын лөсьөдö Коми Республикаса экономикалөн отраслясын кадрьяслөн коланлунлысь прогноз, сы лыдын:

1) урчитö Коми Республикаса экономикалөн отраслясын квалифицируйтөм кадрьяслөн коланлунлысь прогнозсö лөсьөдөм серти уджаланартсö;

2) Коми Республикаса олөмö пöртысь власьт органьяслөн, Коми Республикаын меставывса асвеськөдлан органьяслөн, Коми Республикаса мукөд канму органлөн, федеральнөй олөмö пöртысь власьт органьясса мутас органьяслөн, Коми Республикаса организацияслөн мыччөдьяс подув вылын дасьтө да вынсьөдö Коми Республикаса экономикалөн отраслясын кадрьяслөн коланлунлысь өтувья да муниципальнөй юкөнъяс, экономика удж артман тшупөдьяс да сылөн сикасьяс серти прогноз;

3) сетө Коми Республикаса велөдан, наука да том йөз политика министерствоö Коми Республикаса экономикалөн отраслясын

квалифицируйтөм кадръясын коланлунлысь прогнозсö сы могысь, медым вöдитчыны Коми Республикаса вылыс да шöр тшупöда уджсикасö велöдан организациясын квалифицируйтөм кадръяс дасьтöмсö планируйтөм серти уджын;

4) дасьтö Коми Республикаса экономикалөн отрасльясын кадръясын коланлун серти прогнозкöд йитчöм юалöмъяс серти юöр чукöртан-донъялан материалъяс да сетö найöс федеральной олöмö пöртысь власьт органъясö, Коми Республикаса Вескöдлан котырö, Коми Республикаса олöмö пöртысь власьт органъясö.

10.16. Коми Республикаса республиканскöй сьöмкуд сьöм тшöт весьтö сьöмөн могмöдан учреждениеясса уджалысьяслы (Коми Республикаса канму гражданскöй служащöйяс да Коми Республикаын муниципальной служащöйяс кындзи) уджысь мынтысян условиеясөн веськöдлан сфераын:

1) пöртö олöмö Коми Республикалөн сьöмкуд юкöнса торъя категория уджалысьяслы удждон серти торъя мога петкöдласьясöдз воöдчöм серти координаторлысь уджсö сы могысь, медым збыльмöдны «Канму социальной политика збыльмöдан мероприятиеяс йылысь» 2012 во ода-кора тöлысь 7 лунся 597 №-а, «2012-2017 вояс вылö челядьлөн интересьясын вöчöмторъяс серти национальной стратегия йылысь» 2012 во лöддза-номъя тöлысь 1 лунся 761 №-а, «Бать-мамтöм да бать-мам дöзьöртöг кольöм челядьöс дорян юкöнын канму политика збыльмöдан öткымын мера йылысь» 2012 во öшым тöлысь 28 лунся 1688 №-а Россия Федерацияса Президентлысь индöдъяс (водзö – Россия Федерацияса Президентлөн 597 №-а, 761 №-а да 1688 №-а Индöдъяс);

2) дасьтö сьöмкуд планируйтан субъектъяс да Коми Республикаын кар кытшьясса да муниципальной районьясса муниципальной юкөнъяс серти локтан финансöвöй во да планöвöй период вылö Коми Республикаын социальной юкöнса канму да муниципальной учреждениеясса

уджалысьяслөн категорияслы уджысь мынтысян фондлысь да шөркөдь уджонлысь прогнознöй петкөдласьяссö, кодьясöс индöма Россия Федерацияса Президентлөн помшүömьясын, кутшöмьяс ладмөдöны канму социальнöй политика збыльмөдан мероприятияессö, да сетö найöс Коми Республикаса сьöm овмöс министерствоö;

3) Коми Республикаса канму органьяслөн да Коми Республикаын меставывса асвеськөдлан органьяслөн юөр подув вылын дасьтö да сетö Коми Республикаса Велькөдлан котырö:

Коми Республикаса канму учреждениеясын да Коми Республикаын муниципальнöй учреждениеясын уджысь мынтысян тшупöд йылысь юөр чукöртан-доньялан материальяс;

Россия Федерацияса Президентлысь 597 №-а, 761 №-а да 1688 №-а Индöдьяс збыльмөдан юкөннын сьöмкуд юкөнса торья категория уджалысьяслы уджон серти торья мога петкөдласьясöдз воөдчöм йылысь юөр чукöртан-доньялан материальяс;

4) дасьтö да сетö Коми Республикаса Велькөдлан котырö вöзйöмьяс:

Коми Республикалөн канму учреждениеясса уджалысьяслөн, Коми Республикалөн канму органьясса уджалысьяслөн, кодьясöс абу пыртöма Коми Республикаса канму гражданскöй служба чиньясö, уджысь мынтысян условиеяс бурмөдöм серти;

Россия Федерацияса Президентлөн 597 №-а, 761 №-а да 1688 №-а Индöдьяс збыльмөдöм могысь Коми Республикалөн сьöмкуд юкөнса торья категория уджалысьяслөн уджон серти торья мога (контрольнöй) петкөдласьясöдз воөдчöм серти;

Россия Федерацияса Президентлөн 597 №-а, 761 №-а да 1688 №-а Индöдьяс збыльмөдöм серти уджысь мынтысян тшупöд кыпöдан мероприятияяс сьömөн могмөдöмын колана ыджда урчитöм серти, сы

лыдын съёмкуд юкөнса торъя категория уджалысьяслөн удждон серти торъя мога петкөдласьясөдз воёдчөм могысь;

5) дасьтө Коми Республикалөн канму учреждениеясса уджалысьяслөн, Коми Республикалөн канму органьясса уджалысьяслөн, кодьясөс абу пыртөма Коми Республикаса канму гражданскöй служба чиньясö, уджысь мынтысьөмсö ладмөдан юкөнын Коми Республикаса Вескөдлан котырлысь нормативнöй инöда акт балаяс;

6) дасьтө гөгөрвоөдөмьяс юалөмьяс серти, кутшөмьяс йитчөмаöсь Коми Республикалөн канму учреждениеясса уджалысьяслөн, Коми Республикалөн канму органьясса уджалысьяслөн, кодьясөс абу пыртөма Коми Республикаса канму гражданскöй служба чиньясö, уджысь мынтысян система лөсьөдөмкөд, да ыстө найöс Коми Республикаса канму учреждениеясö, гражданы;

7) пöртö олөмö Коми Республикаын социальнöй политика бурмөдөм серти уджалан группалысь уджсö котыртөм да техническöй боксянь могмөдөм серти уджьяс;

8) дасьтө уджысь мынтысян юалөмьяс серти юөр, гөгөрвоөдөмьяс да рекомендацияс да ыстө найöс Коми Республикаса олөмö пöртысь власьт органьясö, Коми Республикаын меставывса асвескөдлан органьясö.

10.17. Мобилизационнöя дасьтысян сфераын:

1) пöртö олөмö Министерстволысь мобилизационнöя дасьтысьөм да мобилизация серти мероприятиеяс, координируйтö, контролируйтö да методика боксянь могмөдö канму учреждениеясын да канму öтувья предприятиеясын мобилизация серти мероприятиеяссö;

2) дасьтө и пырöдчö Коми Республикалөн экономикаын мобилизация серти план збыльмөдөмö;

3) пöртö олөмö страхуйтан мутас фонд лөсьөдан да видзан уджьяс котыртөм да нуөдөм серти уджьяс;

4) методика боксянь веськӧдлӧ Коми Республикалӧн экономикаын мобилизационнӧя дасьтысян юкӧнын Коми Республикаса олӧмӧ пӧртысь власьт органьяслӧн, Коми Республикаын муниципальной районьясса да кар кытшьясса меставывса асвеськӧдлан органьяслӧн да Коми Республикаын организацияслӧн уджӧн.

10.18. Коми Республикаса нормативнӧй инӧда акт балаяслысь, кутшӧмьяс урчитӧны предпринимательскӧй да инвестиционнӧй удж нуӧдысь субъектыяслы выль кывкутана могьяссӧ либӧ вежӧны Коми Республикаса нормативнӧй инӧда актъясын налы водзджык индӧм кывкутана могьяссӧ, а сӧдзжӧ урчитӧны, вежӧны либӧ дугӧдӧны предпринимательскӧй да инвестиционнӧй удж нуӧдан юалӧмьяскӧд йитчӧм Коми Республикаса нормативнӧй инӧда актъяс торкалӧмысь водзджык индӧм кывкутӧмсӧ, предпринимательскӧй да инвестиционнӧй удж збыльмӧдан юалӧмьяскӧд йитчӧм Коми Республикаса нормативнӧй инӧда актъяс серти экспертизалысь ладмӧдан тӧдчӧмсӧ доньялан сфераын:

1) пыртӧ Коми Республикаын ладмӧдан тӧдчӧм доньялӧмсӧ, сы лыдын збыльмӧдӧ Коми Республикаса олӧмӧ пӧртысь власьт системаын органьяслысь Коми Республикаса нормативнӧй инӧда акт балаяслысь, кутшӧмьясӧс дасьтӧма Коми Республикаса олӧмӧ пӧртысь власьт системаын органьясӧн да кутшӧмьяс урчитӧны предпринимательскӧй да инвестиционнӧй удж нуӧдысь субъектыяслы выль кывкутана могьяссӧ либӧ вежӧны Коми Республикаса нормативнӧй инӧда актъясын налы водзджык индӧм кывкутана могьяссӧ, а сӧдзжӧ кутшӧмьяс урчитӧны, вежӧны либӧ дугӧдӧны предпринимательскӧй да инвестиционнӧй удж нуӧдан юалӧмьяскӧд йитчӧм Коми Республикаса нормативнӧй инӧда актъяс торкалӧмысь водзджык урчитӧм кывкутӧмсӧ, предпринимательскӧй да инвестиционнӧй удж збыльмӧдан юалӧмьяскӧд йитчӧм Коми Республикаса нормативнӧй инӧда актъяс серти экспертизалысь ладмӧдан

тӧдчӧмсӧ донъялан юалӧмъяс серти удж координируйтӧмсӧ, юӧртӧм да методика боксянь могмӧдӧмсӧ;

2) донъялӧ Коми Республикаса оланпас балаяслысь ладмӧдан тӧдчӧмсӧ, кутшӧмъясӧс дасьтӧма Коми Республикаса Оланподувлӧн 75 статьяын индӧм оланпас вӧзъян инӧда субъектъясӧн (Коми Республикаса Юралысь, Коми Республикаса Велькӧдлан котыр кындзи), да кутшӧмъяс урчитӧны предпринимательскӧй да инвестиционнӧй удж нуӧдысь субъектъяслы вель кывкутана могъяссӧ либӧ вежӧны Коми Республикаса нормативнӧй инӧда актъясын водзджык индӧм кывкутана могъяссӧ, а сӧдзжӧ кутшӧмъяс урчитӧны, вежӧны либӧ дугӧдӧны предпринимательскӧй да инвестиционнӧй удж нуӧдан юалӧмъяскӧд йитчӧм Коми Республикаса нормативнӧй инӧда актъяс торкалӧмысь водзджык урчитӧм кывкутӧмсӧ, да дасьтӧ ладмӧдан тӧдчӧмсӧ донъялӧм йылысь заключение;

3) дасьтӧ Коми Республикаса нормативнӧй инӧда акт балаяслӧн, кутшӧмъяс урчитӧны предпринимательскӧй да инвестиционнӧй удж нуӧдысь субъектъяслы вель кывкутана могъяссӧ либӧ вежӧны налы Коми Республикаса нормативнӧй инӧда актъясын водзджык индӧм кывкутана могъяссӧ, а сӧдзжӧ кутшӧмъяс урчитӧны, вежӧны либӧ дугӧдӧны предпринимательскӧй да инвестиционнӧй удж нуӧдан юалӧмъяскӧд йитчӧм Коми Республикаса нормативнӧй инӧда актъяс торкалӧмысь водзджык урчитӧм кывкутӧмсӧ, Коми Республикаса олӧмӧ пӧртысь власьт системаын органъясӧн нуӧдӧм ладмӧдан тӧдчӧмсӧ донъялӧм серти заключение;

4) пыртӧ Коми Республика мутасын муниципальнӧй юкӧнъясӧ ладмӧдан тӧдчӧм донъялӧмсӧ, сы лыдын збыльмӧдӧ Коми Республикаын меставывса асвелькӧдлан органъясӧс муниципальнӧй нормативнӧй инӧда актъяслӧн проектъяслысь, кутшӧмъяс урчитӧны предпринимательскӧй да инвестиционнӧй удж нуӧдысь субъектъяслы вель кывкутана могъяссӧ

либӧ вежӧны муниципальной нормативной инӧда актъясын водзджык индӧм кывкутана могъяссӧ, предпринимательской да инвестиционной удж нуӧдан юалӧмъяскӧд йитчӧм муниципальной нормативной инӧда актъяс серти экспертиза нуӧдан юалӧмъяс серти ладмӧдан тӧдчӧмсӧ донъялан юалӧмъяс серти юӧртӧмсӧ да методика боксянь могмӧдӧмсӧ;

5) вынсьӧдӧ предпринимательской да инвестиционной удж нуӧдан юалӧмъяскӧд йитчӧм Коми Республикаса нормативной инӧда актъяс серти экспертиза нуӧдан быдвося план (водзӧ - План);

6) нуӧдӧ предпринимательской да инвестиционной удж нуӧдан юалӧмъяскӧд йитчӧм Коми Республикаса нормативной инӧда актъяс серти экспертиза да дасьтӧ экспертизалӧн бӧртасьяс йылысь заключениеяс План серти.

10.19. Коми Республикаын дӧнму проектной офислысь уджъяс да уджмогъяс олӧмӧ пӧртан сфераын:

1) котыртӧ Коми Республикаын проектъясӧн веськӧдлан система сӧвмӧдӧмсӧ, сы лыдын Коми Республикаса нормативной инӧда актъяслысь балаяс да Коми Республикаын проектной удж котыртан юалӧмъяс серти методика документъяс дасьтӧмсӧ;

2) ӧтув координируйтӧ веркуя проектъяс да проектъяслысь уджтасьяс, дӧнму проектъяс збыльмӧдӧмсӧ;

3) нуӧдӧ веркуя проектъяс, дӧнму проектъяс да видзӧдӧ найӧс збыльмӧдӧм бӧрся, донъялӧ проектъяслӧн петкӧдласьясӧдз воӧдчӧмсӧ, лӧсьӧдӧ проектъяс серти отчетность да мукӧд веськӧдлан документ, сы лыдын «Электронной сӧмкуд» канму ӧтувтӧм юӧртан системаын;

4) котыртӧ да могмӧдӧ документъясӧн Коми Республикаӧс стратегическӧя сӧвмӧдӧм да проектъяс серти Коми Республикаса Юралысь бердын сӧветлысь уджсӧ;

5) дасьтӧ дӧнму проектъяс збыльмӧдӧм йылысь юӧр чукӧртан-донъялан материалъяс да сетӧ найӧс Россия Федерацияса Веськӧдлан

котырö, Коми Республикаса Юралысьлы, Коми Республикаса Веськöдлан котырö, инöд видзысь органъясö да Россия Федерацияса мукöд канму власьт органö да Коми Республикаса канму власьт органö;

б) öтув уджалö Рытыв-Войвыв федеральной кытшын Россия Федерацияса Президентöс полномочной петкöдлысьлөн аппараткöд динму проектъяс збыльмöдан юалöмъяс серти.